

**ПОСЛЕДОВАНИЕ МОЛЕБНА С АКАФИСТОМ
СВЯТЫМ БЛАГОВЕРНЫМ КНЯЗЬЯМ ПЕТРУ
И ФЕВРОНИИ МУРОМСКИМ**

Священник: Благословен Бог наш всегда, ныне и присно, и во веки веков.

Лик: *Аминь.*

Священник: Слава Тебе, Боже наш, слава Тебе.

Лик: *Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.*

Священник: Бог Господь и явися нам, благословен грядый во имя Господне.

Священник: Исповедайтесь Господеви, яко благ, яко в век милость Его.

Священник: Обышедше обыдоша мя, и именем Господним противляхся им.

Священник: Не умру, но жив буду, и повем дела Господня.

Священник: Камень, Его же небрегоша зиждущии, Сей бысть во главу угла, от Господа бысть Сей, и есть дивен во очесех наших.

Тропарь об умножении любви, глас 4-й

Союзом любве апостолы Твоя связавый, Христе, / и нас, Твоих верных рабов к Себе тем крепко связав, / творити заповеди Твоя / и друг друга любити нелицемерно сотвори, // молитвами Богородицы, Едине Человеколюбче.

Тропарь свв. блгв. кнн. Петру и Февронии, глас 8-й

Яко благочестиваго корене пречестная отрасль был еси, / добре во благочестии пожив, блаженне Петре, / тако и с супружницею твоею, премудрою Феврониею, / в мире Богу угодивше / и преподобных житию сподобистесь. / С нимиже молитесь Господеви / сохранити без вреда отечество ваше, / да вас непрестанно почитаем.

Священник: Святии благовернии князи и чудотворцы Петре и Февроние, молитесь Бога о нас!

Лик: *Святии благовернии князи и чудотворцы Петре и Февроние,*

молите Бога о нас!

Священник: Слава Отцу и Сыну и Святому Духу.

Лик: *И ныне, и присно, и во веки веков. Аминь.*

Священник: Святии благовернии князи и чудотворцы Петре и Февроние, молите Бога о нас!

Лик: *Святии благовернии князи и чудотворцы Петре и Февроние, молите Бога о нас!*

Священник: Слава Отцу и Сыну и Святому Духу.

Лик: *И ныне, и присно, и во веки веков. Аминь.*

Священник: Святии благовернии князи и чудотворцы Петре и Февроние, молите Бога о нас!

Лик: *Святии благовернии князи и чудотворцы Петре и Февроние, молите Бога о нас!*

Священник: Слава Отцу и Сыну и Святому Духу.

Лик: *И ныне, и присно, и во веки веков. Аминь.*

Священник: Молите Бога о нас, святии благовернии князи Петре и Февроние.

Лик: *Яко мы усердно к вам прибегаем, скорым помощникам и молитвенникам о душах наших.*

ПОЕМ АКАФИСТ

Кондак 1 (хор поет, совершается малое каждение)

Избранныи чудотворцы и велицыи угóдницы Госпóдни, града Мýрома заступницы и прísнии о душа́х на́ших моли́твенницы, святíи благове́рнии кня́же Пётре и княги́не Февро́ние! Пёние похва́льное вам принося́ще, мо́лим вы усердно: я́ко иму́щии дерзнове́ние ко Го́споду, предста́тельством ва́шим от всяких бед нас свободи́те, и наслéдники Ца́рствия Небéснаго нас соде́лайте, да зове́м вам ра́достно: Ра́дуйтеся, святíи и пресла́внии чудотво́рцы Пётре и Февро́ние.

Икос 1

А́нгели земнии и челове́цы небеснии воистинну явистеся, блаженнии Пётре и Февро́ние, от юности ва́шея чистую совесть имущии к Бо́гу, и до́бре во благоче́стии и чистоте́ вку́пе пожившии, нам же оста́вльшии в приме́р подража́ния жити́е ва́ше богоугодно, е́муже чудя́щеся и чудесы́ ва́шими озаря́еми, зове́м вам гла́сы хвалёбными си́це:

Ра́дуйтеся, от юности ва́шея Христа́ возлюбившии и Тому́ от ду́ш порабо́тавшии;

Ра́дуйтеся, целому́дрия хранители́ и душе́вныя и телесныя чистоты́ рачители́.

Ра́дуйтеся, ду́ши ва́ша и телеса́ на землі в обита́лице Ду́ха Свята́го угото́вившии; ра́дуйтеся, исполненнии прему́дрости и ра́зума божественнаго.

Ра́дуйтеся, я́ко во плоти́, я́ко безплотни, вку́пе поживте; ра́дуйтеся, я́ко равноа́нгельную честь досто́йне прия́сте.

Ра́дуйтеся, я́ко от землі на Не́бо преидо́сте и та́мо со А́нгелы Трои́це предсто́йте; ра́дуйтеся, я́ко со безплотными ли́ки трисвяту́ю песнь Ей воспева́ете.

Ра́дуйтеся, на Небесі́ и на землі́ от Го́спода просла́вленнии;

Ра́дуйтеся, обрётшии ве́чное всесве́тлое ме́сто упоко́ения.

Ра́дуйтеся, гра́да Му́рома сокрови́ща пребога́тая;

Ра́дуйтеся, исто́чницы неисто́щиии чудес.

Ра́дуйтеся, святі́и и пресла́внии чудотво́рцы Пётре и Февро́ние.

Кондак 2

Ви́дев князь Петр в возвратной бо́лезни сво́ей, зна́мение гнева́ Бо́жия, за неисполне́ние обе́та свое́го, по́йти в супру́ги себѣ премудру́ю Февро́нию, потща́ся си́е исполнити́ и сочета́ся с не́ю бра́ком зако́нным. Оба́че и в супру́жестве целому́дренно и богоу́годно поживте, блаженнии, иму́ще еди́ну мысль во двою́ телу́, е́же благоугожда́ти Бо́гу; те́мже ви́ну по́ете Ему́ ны́не со А́нгелы песнь: Аллилу́иа.

Икос 2

Разумом богопросвещенным свыше одареннии, Пётре и Февроние святии, любовь и милосердие к бедным и сирым яviste, обидимым и беспомощным заступницы бысте, и иными добродетельми многими украсисте княжение своё земное. Сего ради вопием к вам сице:

Радуйтесь, блаженнии и преблаженнии, в боголюбии пожившии и благоверие сохраниши; радуйтесь, милости и сострадания преисполненнии.

Радуйтесь, беспомощных скории помощницы;

Радуйтесь, печальных блазии утешители.

Радуйтесь, сирот и вдовиц кормители;

Радуйтесь, сущих в бедах предстатели.

Радуйтесь, болезней душевных и телесных искусии целители;

Радуйтесь, скорбных сердец радостотворнии посетители.

Радуйтесь, любовь вашу к Богу, любовьию к ближним своим показавшии;

Радуйтесь, княжение ваше земное праведно и богоугодно содержавшии.

Радуйтесь, князей православных похвало и града Мурома утверждение; радуйтесь, всея земли Россійская заступление.

Радуйтесь, святии и преславнии чудотворцы Пётре и Февроние.

Кондак 3

Силою благодати Божия укрепляемь, блаженне княже Пётре, восхотел еси паче оставить град отечества твоего и княжение Муромское, неже бракоразвестися с премудрою Феврониею по настоянию гордых боляр твоих. Сего ради Бог тя прослави и сотвори, да темиже боляры возвращенный вкупе с супружницею твоею, на престоле княжения Муромскаго паки утвердился еси, нам же пример хранения закона Божия показуеши подвигом твоим, да подражающе тебе в святости хранения союза брачного, воспеваем подвигоположнику Христу: Аллилуиа.

Икос 3

Имуще попечение о людех своих, преблаженнии Пётре и Февроние, неусыпно подвизаетесь ко благу их, благочестие насаждая, нечестие искореняя и вражду умиrotворяя. Темже и Господь, видя таковыя подвиги ваша, землю Муромскую плодоносием благословия и мир глубок княжению вашему дарова, подвизая люди ваша благодарственно воспевати вам сие:

Радуйтесь, угодницы Божии, житию великих святых сопричастницы;

Радуйтесь, правителие предобрии, люди муромския ко спасению путевоdившии.

Радуйтесь, христианскаго благочестия блюстители;

Радуйтесь, нестроения, раздорov и всякаго нечестия искоренители.

Радуйтесь, супругов христиан ко благочестному житию наставницы;

Радуйтесь, целомудрия и воздержания супружеская образи преизящнии.

Радуйтесь, праведнаго суда рачители; радуйтесь, немздоимства и безкорыстия ревнители.

Радуйтесь, святых царей Константина и Елены добродетелей стяжатели; радуйтесь, равноапостольнаго князя Владимира и блаженныя княгини Ольги достойнии преёмницы.

Радуйтесь, двоице пречестная и благое сочетание, лучами чудес немерцаемо сияющии;

Радуйтесь, отечества вашего пресветлии светильницы.

Радуйтесь, святии и преславнии чудотворцы Пётре и Февроние.

Кондак 4

Буря скорбей и напастей, воздвизаемая злобою мира сего, не ослаби крепкую любовь ваша яже к Богу, Пётре и Февроние блаженнии, но паче научи вас благоискусно отражати разжженные стрелы искушений диавольских: вы бо оболкшеся в броню веры Христовы, в мире глубоче преидосте многмятежную пучину житейскаго моря, и достигосте в тихую пристань спасения, к нейже и нас молитвами вашими приведите, да вкупе с вами поём Богу: Аллилуиа.

Икос 4

Слѣшавше блѣжнии и дѣльнии благочестное житиѣ вѣше, благовѣрнии Пѣтре и Февроніе, прославляху человеколѣбца Бѣга, даровавшаго вам крѣпость на вся дѣла благая, ѣмиже яко лучами пресвѣтлыми, просияете в отѣчестве вѣшем, идѣже и донѣне именѣ вѣша чѣстны, и пѣдвиги вѣша воспеваются похвалами сѣми:

Рѣдуйтеса, двоѣце пресвѣтлая, Бѣгом совокуплѣнная;

Рѣдуйтеса, свѣтом благочестнаго житія вѣшего, яко свѣтила богосвѣтлая, просиявшии.

Рѣдуйтеса, мѣлостынею и молѣтвами Небѣсное Цѣрствие стяжавшии;

Рѣдуйтеса, смиреніем и пощѣнием вѣчное блаженство уллучившии.

Рѣдуйтеса, яко мзда вѣша многа на Небесѣх есть;

Рѣдуйтеса, яко радѣсть вѣша вѣчна во свѣтлостех святѣх.

Рѣдуйтеса, рабѣ Христовы возлюбленнии;

Рѣдуйтеса, святѣх всех прѣснии друзи.

Рѣдуйтеса, звѣзды непрелѣстнии, путь супружескаго житія богоугѣднаго вѣрно указующии;

Рѣдуйтеса, ѣблацы росонѣснии, зной страстѣй и нечѣстия прогоняющии.

Рѣдуйтеса, Бѣжиих мѣлостей и щедрѣт нам подѣтели;

Рѣдуйтеса, отѣчества вѣшего украшеніе неотѣемлемое.

Рѣдуйтеса, святѣи и преславнии чудотвѣрцы Пѣтре и Февроніе.

Кондак 5

Богосвѣщеннии свѣтѣльници благочѣстия и предѣвнии чудотвѣрцы Пѣтре и Февроніе, Бѣга от всея души возлюбивше, вся заповѣди Егѣ сохранисте; тѣмже и Христѣс, яко солнце и луну пресвѣтлая, показѣ вас, преблаженнии, чудѣс многих зарѣю озаряющия ѣбласть Мѣромскую и всю страну Россійскую, прославив нетлѣнием святѣя и многоцѣлѣбныя мѣщи вѣша, к нѣмже припадающе, по достоянію ублажаем вас и вѣну благодарственно поѣм дѣвному во святѣх Своѣх Бѣгу: Аллилуѣа.

Икос 5

Видевше житиё ваше праведное и щедроты ваша, людие муромстии славляху вас, своих правителей милостивых, благовёрнии Пётре и Февроние, вы же смирение истинное возлюбивше и похвалы человеческия небрегше, гордынею неязвлени пребысте, и тем покажете нам образ вышшаго смирения, емуже поучаяся, с любовью вопиём вам такováя:

Радуйтесь, славу человеку ни во что же вменившии;

Радуйтесь, смирение Христово усердно возлюбившии.

Радуйтесь, заповедей Господних вернии исполнители;

Радуйтесь, учения Евангельскаго истиннии последователи.

Радуйтесь, рабы Бóга Вышняго, волю Его сотворшии; радуйтесь, веру Христову до конца соблюдшии.

Радуйтесь, христоименным людем благочестия учителя;

Радуйтесь, хотящих богоугодно жити богомудрии наставницы.

Радуйтесь, молитвами вашими спасающии нас от всяких бед; радуйтесь, вся благая прошения наша исполняющии.

Радуйтесь, в недужех страждущих благодатнии врачеве;

Радуйтесь, милостивии страны Муромския покровителие.

Радуйтесь, святии и преславнии чудотворцы Пётре и Февроние.

Кондак 6

Проповедницы веры православныя и ревнители благочестия не словом токмо, но всем житиём своим бысте во граде Муроме, прехвальнии Пётре и Февроние; темже и святая Церковь достойне почитает подвиги и труды ваша, имиже трудитесь во славу Бóга Вышняго, немолчно воспевая Ему: Аллилуиа.

Икос 6

Возсиясте во граде Муроме светом добродетельнаго жития вашего, яко звезды богосветлыя, преблаженнии Пётре и Февроние, и память ваша в нем с похвалами до днесь, яко и по смерти своей не престаёте озаряти нас, многая чудесы совершающе, и теми светлую зарю бессмертия нам от мощей ваших возсиявающе, да ублажаем вас благохвалениями сицевыми:

Ра́дуйтеся, чина и уставов святѣя Цѣркве вѣрнии хранители;
 Ра́дуйтеся, служителей олтаря Господня благоговѣйнии почитатели.
 Ра́дуйтеся, благих обычаев и преданий святоотеческих ревнители;
 Ра́дуйтеся, обычаев злых и суемудрий языческих искоренители.
 Ра́дуйтеся, суды нелицеприятны людем вашим творившии;
 Ра́дуйтеся, суды ваша с милостию соединившии.
 Ра́дуйтеся, кратцыи и незлобивии последователи Христовы;
 Ра́дуйтеся, злобу добром преобладавшии.
 Ра́дуйтеся, нетления благоухающии цвѣти;
 Ра́дуйтеся, безсмертия немерцающии лучи.
 Ра́дуйтеся, на земли величием чудес блистающии;
 Ра́дуйтеся, на Небеси со Ангелы Бога славящии.
 Ра́дуйтеся, святии и преславнии чудотворцы Пётре и Февроние.

Кондак 7

Хотя́й человеколюбец Господь явити в житии вашем, Пётре и Февроние, образ назидания не токмо людем мирским, но и ликом иноческим, внуши́ вам в старости маститей оставити славу княжения земнаго, и восприяти образ иноческий, в нёмже подвижастея добре постом, бдением и молитвою, воспевающе непрестанно Триединому Богу ангельскую песнь: Аллилу́иа.

Икос 7

Но́вую благодать Божию во иночестем пострижении приѣмше, преподобнии, но́выми подвигами украсите равноангельное житие́ ваше и тако сугуб плод совершенства духовнаго Христу́ принесосте, и мзду преподобных досто́йне от Него́ восприясте. Помина́я убо такую́ю ревность вашу к подвигом духовным, прославляем вас сими досто́йными похвалы́:

Ра́дуйтеся, яко любве́ ради Господа, мира сего́ княжение и славу остависте; ра́дуйтеся, яко иноческое равноангельное житие́ усердно восприясте.

Ра́дуйтеся, совершеннаго терпения подвижницы;

Ра́дуйтеся, вольныя нищеты́ блаженнии стяжатели.

Ра́дуйтеся, прэ́жде кончы́ны ва́шея вся стра́сти умертви́вши воздержа́нием;

Ра́дуйтеся, восприя́вши святу́ю схиму в броню́ спасе́ния.

Ра́дуйтеся, багряни́цу кня́жескую на влася́ницу ино́ческую преме́нивши;

Ра́дуйтеся, постом, бде́нием и непреста́нными моли́твами Бо́гу до́бре угоди́вши.

Ра́дуйтеся, боголюбе́знаго уедине́ния взыска́тели;

Ра́дуйтеся, спаса́тельнаго безмо́лвия любите́ли.

Ра́дуйтеся, слеза́ми моли́твенными ороше́нии;

Ра́дуйтеся, в со́нме преподо́бных на Небеси́ просла́влении.

Ра́дуйтеся, святы́и и пресла́внии чудотво́рцы Пе́тре и Февро́ние.

Кондак 8

Стра́нное и дивное бе чу́до, егда́ ты, блаже́нне Пе́тре, на кончы́не живото́а твоего́, проше́ния ра́ди супру́жницы твоея́, святы́я Февро́нии, исхо́дом своим умедли́л еси́, донде́же сконча́ она́ пелену́ церко́вную, ёю шшива́ему и вку́пе с тобо́ю к исхо́ду сме́ртному приспе́, и тако́ неразлу́чнии в житии, неразлу́чнии в кончы́не яви́стесе, и во еди́н день и час святы́я ду́ши своя́ в ру́це Бо́жии преда́сте, зову́ще при́сно живы́ми и ме́ртвыми облада́ющему Влады́це Бо́гу: Аллилу́иа.

Икос 8

Вси чудя́хуса и сла́вляху дивна́го во святы́х Свои́х Бо́га, егда́ святы́я ва́ша телеса́, в ра́зных гробёх положённая, чуде́сно обрето́шася лежа́ща в о́бщей гробни́це, ю́же угото́васте себе́, преподо́бнии, в собо́рней це́ркви гра́да Му́рома, иде́же и доны́не неразлу́чно почива́ете, чудотво́рцы святы́и, неоску́дныя источа́юще исцеле́ния всем, с ве́рою прибега́ющим к вам и зову́щим:

Ра́дуйтеся, сою́з любве́ ва́шея до гроба́ и за гробом ве́рно сохра́нши;

Ра́дуйтеся, не то́кмо в жи́зни, но и по сме́рти, о Го́споде соедине́нии.

Ра́дуйтеся, в супру́жестем благоче́стнем житии́ вам подража́ющим кре́пцыи помо́щницы;

Рáдуйтеся, теплотою любвѣ вáшея и нас согревáющими.

Рáдуйтеся, смѣртию врѣменною прешѣдшии к жízни вѣчной;

Рáдуйтеся, от Гóспода нетлѣнием и чудесы прослáвлении.

Рáдуйтеся, я́ко пáмять вáша с похвалáми и успѣние со святы́ми;

Рáдуйтеся, я́ко именá вáша чѣстна суть и благословѣнна в отѣчествѣ вáшем.

Рáдуйтеся, Россійския страны́ удобрѣние благодáтное;

Рáдуйтеся, гра́да Мúрома ограждѣние несокрушíмое.

Рáдуйтеся, о любящих и чтúщих вас небѣснии предстáтели; рáдуйтеся, приснопрося́щи нам у Гóспода дáры блáгости Егó.

Рáдуйтеся, святíи и преслáвнии чудотворцы Пѣ́тре и Феврóние.

Кондак 9

Вси А́нгели и святы́х ли́ки рáдовахуся рáдостью вѣлию, егда́ святы́я дúши вáша достигóша вѣчнаго в обíтелех райских селѣния, и Сам Творѣц А́нгелов и Святѣйший святы́х Царь Сла́вы Христóс, безсмѣртия венцы́ увенча́ вас и дарова́ вам благодáть молитися Емú со дерзновением мно́гим о всех íщущих вáшего заступлѣния, егóже не лишíte и нас грѣшных, Пѣ́тре и Феврóние достохвáльнии, смиренномúдренно воспевáющих прослáвльшему вас Бóгу хвалѣбную песнь: Аллилúиа.

Икос 9

Ветíйство человѣческое не довлѣет к достóйному прославлѣнию дíвнаго жити́я вáшего, святíи чудотворцы Пѣ́тре и Феврóние; кто бо испове́сть вся молѣния и пощѣния, болѣзни и труды́ вáша? кто изочтѣт вся слѣзы и воздыхáния вáша я́же к Бóгу? Обáче мы любóвию к вам подвизáеми, дерзáем воспевáти вам сию́ мáлыя и нехíтростныя похвалы́:

Рáдуйтеся, благодáти Свята́го Дúха избрáннии сосúди;

Рáдуйтеся, рáдости нам вѣчныя благоприятнии ходáтаи.

Рáдуйтеся, богобоя́зненных супру́гов в благочѣстии утверждѣние;

Рáдуйтеся, нарушíteлей супру́жескаго целомúдрия и соглáсия грóзное

обличёние.

Рáдуйтеся, гнев Бóжий, прáведно двíжимый на нас, молíтвами вáшими утoляющии;

Рáдуйтеся, о мíре всегó мíра непрестáнно Гóспода умоляющии.

Рáдуйтеся, на врагí вíдимыя и невíдимыя крѣпцыи нам спобóрницы;

Рáдуйтеся, ангелонрáвнии челoвѣцы.

Рáдуйтеся, преподóбных и прáведных сонаслѣдницы;

Рáдуйтеся, Пресвятýя Трoицы вѣрнии угóдницы.

Рáдуйтеся, блажѣннии обитáтели гóрняго грáда Иерусали́ма Небѣснаго;

Рáдуйтеся, со святýми торжествóующии в скíниях рáйских.

Рáдуйтеся, святíи и преслáвнии чудотвóрцы Пѣтре и Феврoние.

Кондак 10

Спасѣние вѣчное унаслѣдовавше богоблажѣннии Пѣтре и Феврoние, душáми вáшими в обíтелех гóрних неразлúчно в Бóзе пребывáете, святýми же мощáми вáшими в хрáме Бóжием нетлѣнно вкúпе почивáете, и обíльныя исцелѣния источáете, да чудесý вáшими благодáтно озаряеми, хвалѣбно зывáем Верхóвному Творцý чудѣс Бóгу: Аллилу́иа.

Икос 10

Стѣну заступлѣния, благоприятныя молíтвы вáша к Бóгу, обрѣтше, святíи чудотвóрцы Пѣтре и Феврoние, благодарѣние Отцý Небѣсному усѣрдно возсылáем за вся благодея́ния Егó, вáми всем нам обíльно являе́мая, вам же, предстáтелям нáшим, сицевóе принóсим пѣние:

Рáдуйтеся, всесвѣтлаго Цáрствия Христо́ва наслѣдницы; рáдуйтеся, а́нгельских ликóв собесѣдницы.

Рáдуйтеся, Бóга во слáве непристúпней созерца́ющии;

Рáдуйтеся, Трисия́ннаго Божества́ тайнницы.

Рáдуйтеся, со святýми на Небесí вечно цáрствующии;

Рáдуйтеся, от гóрних высóт к земнорóдным мíлостивно приника́ющии.

Рáдуйтеся, крíни благоухáннии небѣснаго прозябѣния;

Ра́дуйтеся, кипари́си чудото́чнии ра́я Иису́сова.

Ра́дуйтеся, пода́тели незави́стнии безме́зднаго врачевáния;

Ра́дуйтеся, соверши́тели достохва́льнии мно́гих чудес.

Ра́дуйтеся, благодея́ний мно́жество нам источа́ющие;

Ра́дуйтеся, ми́лостью сострада́ния ва́шего всех объе́млющи.

Ра́дуйтеся, свя́тии и пресла́внии чудотво́рцы Пётре и Февро́ние.

Кондак 11

Пе́ние моле́бное прино́сим вам, уго́дницы Бо́жии Пётре и Февро́ние, и с любóвию припада́ем к ра́це святы́х и многоцеле́бных моще́й ва́ших, прославля́я жити́е ва́ше богоуго́дное и по́двиги мно́ги. Мо́лимся вам усер́дно, чудотво́рцы свя́тии, помози́те нам подража́ти ва́шим добродете́лем, да возмо́жем богоуго́дно пе́ти Созда́телю на́шему: Аллилу́иа.

Икос 11

Све́та небесна́го испо́лнен бе собо́рный храм гра́да Му́рома, егда́ благоволе́нием Бо́жиим святы́я мо́щи ва́ша Пётре и Февро́ние, це́лы и благоухáнны обрето́шася в нем, и из недр земны́х, я́ко сокрови́ще драгоценное, изнесены́ бы́ша, иде́же и до ны́не почива́ют, исцелéния неоску́дныя источа́юще недужным и боля́щим. Сего́ ра́ди пёсненно вопи́ем к вам:

Ра́дуйтеся, зláто нетлénное, в не́драх земны́х обрётенное;

Ра́дуйтеся, бисери сия́ющие и благодáтно просвеща́ющие челове́ков.

Ра́дуйтеся, святы́я Правосла́вныя Це́ркве похвало́;

Ра́дуйтеся, ересей и раско́лов обличéние.

Ра́дуйтеся, свети́ умнии, заре́ю Свята́го Ду́ха облиста́ющие;

Ра́дуйтеся, ми́ра благоухáния Христо́ва преиспо́лненнии.

Ра́дуйтеся, облечéннии в ри́зу благодáтного нетлénия;

Ра́дуйтеся, препоя́санныи си́лою мно́гих чудес.

Ра́дуйтеся, я́ко ра́ка ва́ша честна́я врачéбница яви́ся недуго́м челове́ческим;

Ра́дуйтеся, я́ко от не́я всяк с ве́рою приходя́й да́ры целе́бныя прие́млет.

Рáдуйтеся, свѣтлостію чудес ва́ших мрак душ на́ших озаря́ющи;

Рáдуйтеся, нетлѣнием святыхъ мо́щей ва́ших зарю́ общаго всех воскресѣнія нам показу́ющи.

Рáдуйтеся, святѣи и пресла́внии чудотворцы Пѣ́тре и Февро́ние.

Кондак 12

Благодáть свѣ́ше вам дарова́нную, позна́вше, святѣи чудотворцы Пѣ́тре и Февро́ние, с благоговѣнием и любóвию покланя́емся нетлѣнным и многоцелѣбным мо́щем ва́шим и от них приѣмлем в недúзех исцелѣние, в скорбех утешѣние, в бедáх благодáтную пóмощь: тѣмже и прославляем вас по достоя́нию, небесныхъ предста́телей и заступников на́ших, воспева́юще хвалы́ и благодарѣнія ва́ми благотворя́щему нам Влады́це Бо́гу: Аллилу́иа.

Икос 12

Пою́ще мно́гая и пресла́вная ва́ша чудеса́, вели́чии угóдницы Бо́жии Пѣ́тре и Февро́ние, ублажа́ем вас, я́ко целителей, утѣшителей и помощников от Го́спода нам дарова́нных, и моли́твенно торжеству́ем святу́ю па́мь ва́шу, от любве́ сердечныя воспева́юще вам благодарственнó и хвалѣбно:

Рáдуйтеся, во благоухáнии святѣ́ни нетлѣ́нно почива́ющи;

Рáдуйтеся, с véрою приходя́щих к ра́це мо́щей ва́ших благодáтно освяща́ющи.

Рáдуйтеся, призыва́ющих моли́твенно честна́я именá ва́ша скóрии услы́шатели;

Рáдуйтеся, упова́ние на вас по Бо́зе возлага́ющих дѣ́внии помощницы.

Рáдуйтеся, извѣстнии умилостивѣтели Царя́ Небеснаго;

Рáдуйтеся, сѣ́льнии зашѣ́тницы на́ши от враговъ невидимыхъ.

Рáдуйтеся, прѣ́снии всем нам ходатаи спасѣ́нія;

Рáдуйтеся, неотступнии хранѣ́тели гра́да Муро́ма.

Рáдуйтеся, князей россі́йскихъ пречудна́я добрóто;

Рáдуйтеся, отечества ва́шего Бо́гом дарова́ннии покровѣтели.

Рáдуйтеся, телес на́ших благодáтнии целѣ́бницы;

Ра́дуйтеся, о душа́х на́ших усерднии ко Го́споду моли́твенницы.

Ра́дуйтеся, святы́и и пресла́внии чудотво́рцы Пе́тре и Февро́ние.

Кондак 13

О святы́и и пресла́внии чудотво́рцы, благове́рнии кня́же Пе́тре и княги́не Февро́ние! Приими́те ми́лостивно си́е похва́льное пе́ние от нас недосто́йных во умиле́нии вам приноси́мое, и ва́шим предста́тельством у Го́спода испроси́те нам утвержде́ние в ве́ре и до́брых де́лах, и избавле́ние от всех скорбе́й и боле́зней вре́менных и ве́чных, да сподо́бимся вку́пе с ва́ми и все́ми святы́ми во Ца́рствии Небе́сном пе́ти Пресвяте́й Трои́це вечно хвале́бную песнь: Аллилу́иа.

(13 кондак: 2 раза читаем, 3 раз поет хор, малое каждение)

Икос 1

А́нгели земни́и и челове́цы небе́снии вои́стинну яви́стеся, блаже́ннии Пе́тре и Февро́ние, от ю́ности ва́шея чи́стую со́весть иму́щии к Бо́гу, и до́бре во благоче́стии и чистоте́ вку́пе пожившии, нам же оста́вльшии в приме́р подража́ния жити́е ва́ше богоуго́дное, е́муже чуде́шеся и чуде́сы ва́шими оза́ряеми, зове́м вам гла́сы хвале́бными си́це:

Ра́дуйтеся, от ю́ности ва́шея Христа́ возлюбившии и Тому́ от души́ порабо́тавшии;

Ра́дуйтеся, целому́дрия храните́ли и душе́вныя и телесныя чистоты́ рачите́ли.

Ра́дуйтеся, ду́ши ва́ша и телеса́ на земли́ в обита́лище Ду́ха Свята́го угото́вившии;

Ра́дуйтеся, испо́лненнии прему́дрости и ра́зума божества́ннаго.

Ра́дуйтеся, я́ко во плóти, я́ко безплóтни, вку́пе поживсте;

Ра́дуйтеся, я́ко равноа́нгельную честь досто́йне прия́сте.

Ра́дуйтеся, я́ко от земли́ на Не́бо преидо́сте и та́мо со А́нгелы Трои́це предсто́йте;

Ра́дуйтеся, я́ко со безплóтными ли́ки трисвяту́ю песнь Ей воспева́ете.

Рáдуйтеся, на Небесí и на землí от Гóспода прослáвленнии;
 Рáдуйтеся, обрétшии вéчное всесвётлое мéсто упокоéния.
 Рáдуйтеся, града Мúрома сокрóвища пребогáтая;
 Рáдуйтеся, истóчницы неистощíмии чудéс.
 Рáдуйтеся, святíи и преслáвнии чудотвóрцы Пётре и Феврóние.

Кондак 1 (хор поет)

Избрáннии чудотвóрцы и величýи угóдницы Госпóдни, града Мúрома заступницы и прíснии о душáх нáших молíтвенницы, святíи благовэрнии княже Пётре и княгíне Феврóние! Пéние похвáльное вам приносяще, мóлим вы усéрдно: я́ко иму́щии дерзнове́ние ко Гóсподу, предста́тельством ва́шим от всяких бед нас свободíte, и наслéдники Цáрствия Небéснаго нас соделайте, да зовём вам рáдостно: Рáдуйтеся, святíи и преслáвнии чудотвóрцы Пётре и Феврóние.

Священник: Вонмем. Премудрость! Вонмем. Прокимен:

Аще венчающиеся, то прокимен глас 8:

Положил еси на главах их венцы /, от камней честных живота просиша у Тебе и дал еси им.

Стих: Яко даси им благословение в век века, возвеселиши я радостию с лицем Твоим.

Аще общий молебен, то прокимен глас 7:

Честна пред Господем / смерть преподобных Его.

Стих: Что воздам Господеви о всех яже воздаде ми.

Священник: Премудрость прости, услышим Святаго Евангелиа.

Священник: Мир всем.

Лик: *И духови твоему.*

Аще венчающиеся, то от Иоанна, зачало 6:

Аще общий молебен, то от Матфеа, зачало 43:

Священник: От Иоанна (или **Матфея**) Святаго Евангелиа чтение.

Лик: *Слава Тебе, Господи, слава Тебе.*

Священник: Вонмем.

Евангелие от Иоанна, зачало 6.

Во время оно, брак бысть в Кане Галилейстей, и бе Мати Иисусова ту. Зван же бысть Иисус и ученицы Его на брак. И недоставшу вино, глагола Мати Иисусова к Нему: вина не имут. Глагола Ей Иисус: что есть Мне и Тебе, Жено? Не у прииде час Мой. Глагола Мати Его слугам: еже аще глаголет вам, сотворите. Беху же ту водоноси каменни шесть, лежаще по очищению Иудейску, вместящие по двема или трием мерам. Глагола им Иисус: наполните водоносы воды. И наполниша их до верха. И глагола им: почерпите ныне и принесите architриклинови. И принесоша. Якоже вкуси architриклин вина бывшаго от воды, и не ведяше, откуда есть, слуги же ведяху почерпшии воду, пригласи жениха architриклин. И глагола ему: всяк человек прежде доброе вино полагает, и егда упиются, тогда худшее, ты же соблюл еси доброе вино доселе. Се сотвори начаток знамением Иисус в Кане Галилейстей и яви славу Свою, и вероваша в Него ученицы Его.

Евангелие от Матфея, зачало 43.

Рече Господь Своим учеником: вся Мне предана суть Отцем Моим, и никтоже знает Сына, токмо Отец, ни Отца кто знает, токмо Сын, и емуже аще волит Сын открыти. Приидите ко Мне вси труждающиеся и обремененнии, и аз упокою вы. Возмите иго Мое на себе, и научитесь от Мене, яко кроток есмь и смирен сердцем, и обрящете покой душам вашим. Иго бо Мое благо, и бремя Мое легко есть.

Лик: *Слава Тебе, Господи, слава Тебе.*

Лик: *Слава: Молитвами святых благоверных князей и чудотворцев Петра и Февронии, Милостиве очисти, множества согрешений наших.*

Лик: *И ныне: Молитвами Богородицы, Милостиве очисти, множества согрешений наших.*

Стихира, глас 6:

Всяк град и страна,/ славному граду нашему срадуйтесь,/ и псаломски воспещите руками вкупе,/ духовное днесь торжество празднующе/ Петра благочестиваго и Февронии славныя,/ и песнями похвалите,/ всечестный сей день совершающе,/ в веселии вопиюще сице:/ примите пение людей ваших, блаженнии,/ и молящимся подайте неоскудно/ исцеление и велию милость.

Священник: Святии благовернии князи и чудотворцы Петре и Февроние, молитесь Бога о нас!

Лик: *Святии благовернии князи и чудотворцы Петре и Февроние, молитесь Бога о нас!*

Священник: Слава Отцу и Сыну и Святому Духу.

Лик: *И ныне, и присно, и во веки веков. Аминь.*

Священник: Святии благовернии князи и чудотворцы Петре и Февроние, молитесь Бога о нас!

Лик: *Святии благовернии князи и чудотворцы Петре и Февроние, молитесь Бога о нас!*

Священник: Слава Отцу и Сыну и Святому Духу.

Лик: *И ныне, и присно, и во веки веков. Аминь.*

Священник: Святии благовернии князи и чудотворцы Петре и Февроние, молитесь Бога о нас!

Лик: *Святии благовернии князи и чудотворцы Петре и Февроние, молитесь Бога о нас!*

Священник: Слава Отцу и Сыну и Святому Духу.

Лик: *И ныне, и присно, и во веки веков. Аминь.*

Лик: Достойно есть, яко воистину / блажити Тя Богородицу / Присноблаженную и Пренепорочную / и Матерь Бога нашего, / Честнейшую Херувим / и Славнейшую без сравнения Серафим, / без исления Бога Слова

рождшую, / Сущую Богородицу Тя величаем.

от Пасхи до Вознесения вместо «Достойно есть» поем задостойник Пасхи:

Ангел вопияше Благодатней: / Чистая Дево, радуйся, / и паки реку, радуйся: / Твой Сын воскресе / тридневен от гроба, / и мертвыя воздвигнувый; людие веселитесь. / Святися, святися, / новый Иерусалиме, / слава бо Господня / на тебе возсия. / Ликуй ныне / и веселися, Сионе. / Ты же, Чистая, красуйся, Богородице // о восстании Рождества Твоего.

В двенадцатые праздники – задостойник праздника.

Священник: Молите Бога о нас, святии благовернии князи Петре и Февроние.

Лик: *Яко мы усердно к вам прибегаем, скорым помощникам и молитвенникам о душах наших.*

Священник глаголет ектению:

Помилуй нас, Боже, по велицей милости Твоей, молим Ти ся, услыши и помилуй.

Лик: *Господи, помилуй (трижды).*

Еще молимся Тебе, Господу Богу нашему, еже услышатися гласу моления нашего и молитве и помиловати рабов Твоих (**имярек-общие записки**) благодатию и щедротами Твоими и исполнити вся прошения их, благоприятным же быти мольбам и милостыням их пред престолом владычества Твоего, и покрытия их от всех враг видимых и невидимых, от всякие напасти, беды и скорби и недугов избавити: рцем вси: Господи, услыши и помилуй.

Лик: *Господи, помилуй (трижды).*

О жаждующих брака:

Еще молимся о еже милостивно презрети на усердная моления рабов своих, честнаго христианскаго брака взыскующих (**имярек**) и о еже благословити благое намерение сердец их и стези их исправить: рцем вси: Господи, услыши и помилуй.

Лик: *Господи, помилуй (трижды).*

Еще молимся Тебе, Господу Богу нашему, вся ко спасению человека устрояющему, призри на рабы Твоя, на Тя всецело упование возложившия, и открий им путь жития их, и аще угодно Ти, соедини в любви избранныя Тобою, Ты бо рекл еси: «не добро быти человеку одному», рцем вси: услыши и скоро помилуй.

Лик: *Господи, помилуй (трижды).*

Об укреплении семьи:

Еще молимся да хранят люди Твои заповедь сию: еже Бог сочета, человек да не разлучает, и даруется домашним их церквам несокрушимая крепость и преспеяние в любви нелицемерней и о сохранении супружества рабов Твоих (**имярек**) в мире и единомыслии, благочестии и чистоте.

Лик: *Господи, помилуй (трижды).*

Еще молимся Тебе, Спасителю нашему, о еже скоро избавити рабов Твоих сих от уныния, вражды и обиды, и даровати им радость общения, и в Тебе совместнаго жития, егоже заповедал еси, и желание любви сия вложил еси в нас, молим Ти ся: услыши и помилуй.

Лик: *Господи, помилуй (трижды).*

О даровании детей:

Еще молимся да возвеселятся рабы Твои (**имярек**) видением сынов и дочерей, и да умножится народ наш и благословение Твое наследуется в нем в род и род.

Лик: *Господи, помилуй (трижды).*

О воспитании детей и внуков:

Еще молимся Господу Богу нашему, о еже призрети милостивно на *отроков* сих (**имярек**) и ниспослати в сердца, во ум и во уста их Духа премудрости, разума же и благочестия, и страха Своего, и просветити их светом Своего богоразумия, и подати им силу и крепость, во еже скоро прияти и спешно навькнути Божественнаго закона Его наказанию, и всему благому и полезному учению, молим Ти ся: услыши и помилуй.

Лик: *Господи, помилуй (трижды).*

Еще молимся, еже преуспевати им премудростию и разумом, и всеми благими делы в славу Пресвятаго Его имени, и даровати им здравие и долголетны их сотворити к созиданию и славе Церкви Своея, молим Ти ся: услыши и помилуй.

Лик: *Господи, помилуй (трижды).*

Еще молимся за всю братию и за вся православныя христианы.

Лик: *Господи, помилуй (трижды).*

Возглас: Услыши ны Боже Спасителю наш, Упование всех концов земли и сущих в мори далече, и милостив, милостив буди, Владыко, о гресех наших, и помилуй ны, милостив бо и Человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Лик: Аминь.

Священник: Ко святым благоверным князьям и всяя России чудотворцам Петру и Февронии Муромским, со умилением сердец наших помолимся.

Лик: *Святии благовернии князи и чудотворцы Петре и Февроние, молитте Бога о нас!*

Священник:

О, велиции угодницы Божии и предивнии чудотворцы, благовернии княже Петре и княгине Февроние, града Мурома предстатели, честнаго брака хранители и о всех нас усерднии ко Господу молитвенницы!

Вы во дни земнаго жития вашего образ благочестия, христианския любви и верности друг ко другу даже до гроба явили есте и тем законное и благословенное супружество прославили есте.

Сего ради к вам прибегаем и молимся со усердием крепким: принесите за нас, грешных, святыя молитвы ваша ко Господу Богу, и испросите нам вся благопотребная душам и телесем нашим: веру праву, надежду благу, любовь нелицемерну, благочестие непоколебимое, в добрых делех преуспеяние.

Испросите у Господа нашего Иисуса Христа, рабом Его сим дар любви истинныя, послы им супругов желанных, приуготованных им Тобою по вере их. Да отженит от них Всеблагий Владыко вся соблазны и препятствия вражия, от уныния и отчаяния избавит. Смирению, терпению, и всему потребному в семейном житии научит, и сподоби их увидеть чада чад своих.

Наипаче же союзом брачным сочетавшимся даруйте молитвами вашими целомудрие, друг ко другу любовь в союзе мира, единомыслие душ и телес, ложе ненаветное, пребывание незазорное, семя долгожизненное, о чадех благодать, дома исполнены благостыни и в жизни вечней неувядаемый венец славы Небесныя.

Ей, чудотворцы святии! Не презрите молитв наших, со умилением вам возносимых, но будьте приснии заступницы наши пред Господем и сподобите нас предстательством вашим спасение вечное получитьи и Царствие Небесное наследовати, да славословим неизреченное человеколюбие Отца и Сына и Святаго Духа, в Троице покланяемаго Бога, во веки веков. **Лик:** Аминь.

Величание (прикладываемся к иконе)

Ублажаем вас, святии чудотворцы Петре и Февроние, и чтим святую память вашу, вы бо молитесь за ны Христа Бога нашего.

Священник: Премудрость! Пресвятая Богородице, спаси нас!

Хор: *Честнейшую Херувим...*

Священник: Слава Тебе, Христе Боже, упование наше, слава Тебе.

Лик: Слава Отцу и Сыну и Святому Духу, и ныне и присно и во веки веков. Аминь. Господи, помилуй. Благослови.

Священник творит отпуст:

Христос, истинный Бог наш, молитвами Пречистыя Своея Матере, святых благоверных князей и чудотворцев Петра и Февронии Муромских и всех святых, помилует и спасет нас, яко Благ и Человеколюбец!

Аще в силах – говорит проповедь.

После, молящиеся прикладываются к иконе, хор поет величание, а священник помазывает святым елеем.